

Opuscula

Opuntia

THRONUS
AGNO SZANIAVIANO
CELSISSIMI PRINCIPIS,
Illustrissimi, & Reuerendissimi Domini,
D. CONSTANTINI
FELICIANI
SZANIAWSKI

Dei, & Apostolicæ Sedis Gratiâ
EPISCOPI CRACOVIENSIS,
DUCIS SEVERIÆ,

inter
Cathedralis Peraugusti Capituli Cracoviensis
Coronas

ERECTUS.

&
in Festivo ad Cathedram Cracoviensem Ingressu
ab Vniverso Clero, & populo Dioecesano demisso poplite

ADORATUS.

à
Minima Polona Provincia Fratrum Eremitarum Ordinis Sancti
PAULI Primi Eremitæ Inclyto suo Nomini & Honori
devotissima Stylo Panegyrico

ADORNATUS.

Anno sedentis in Throno carnis nostræ Agni Immaculati DEI
Hominis 1721 Die Mensis Maij.

Typis Clari Montis Czesłochoviensis.

IN PERAUGUSTUM INSIGNE
CELSISSIMI
PRINCIPIS



AGNUS adest Cracio satis exoptatus Olympo,
Vellere qui proprias condecorabit oves.
Cornua si præfert, non est metuendus ab inde,
Arma sui potius sunt vocitanda gregis.
His sub tutus erit Clerus populusq; Vavelli,
Amplius haud ullus carpēt ovile lupus.

CELSISSIME PRINCEPS

Post critica fatorum nubila, post funestas adversantis fortunæ caligines, venit tandem serenior, Principi, Lechici Orbis, Urbi, suus Gloriæ splendor, ad auspiciatissimum adventum tuum, Princeps Celsissime, Antistes desideratissime, Domine Domine Patrone, & Protector Clementissime. Præ-

) a (

teris

terit astrorum inclementia, hætenus Sarmatico do-
minata Regno, flebiles jam desinunt populorum vices
& voces, quæ ipsis in delubris, lacrymis sparsere de-
os, ac universorum pectora duro, affixere solo. quo-
cunq; oculorum vertatur acies, letior ubiq; subintrat
facies, quæ tristi olim cælo suberant. novo exuberant
plausu, & noua jam toto declarant gaudia vultu.
Quam primùm etenim, superum Providentia, in hoc
Ducali Virtutum & Honoris Princeps Cellissime
stetisti fastigio, è vestigio, exulant ærumnæ, cessatq;
procella malorum, festiuis ex tunc cingunt sua tem-
pora lauris, hilares Cracij Incolæ, plenis exultant
animis, meliori jam sorte beati, quâ Metropolitanis
illuxit Aris, Præfulis alma dies & luce sacrator
omni. Ad gloriosissimam Inaugurationem Tuam
Princeps Cellissime, triumphales portæ, & amœna
mœnia Urbis, vocali inclamant iubilo: Pascha re-
dit populo, venit Szaniavius Agnus, Agnorum
Princeps, ædificate thronum. O Fortunatum In-
clytæ Diæcesis Systema, dum optatissimum, domesti-
co in Zodiaco, Præfulei AGNI resplendet Phæno-
menon, faustissimum, Clementioris cæli, omen &
prognosticon. Hoc propitio influente sydere, Phariæ
telluris nunquam metuendæ noctes, obscura haud am-
plius tempestas reditura, at innubilus æther, & me-
ridiana, cum placida temperie, claritas, cunctis per-
mansura. Superna illa Beatorum Curia, ter beata
Electorum Metropolis, fulgidissima supremi Regia
cæli, perpetua sinè crepusculo luce coruscans, Pleia-
dum

dum Boreæq; , & bruti fulminis expers , nullo so-
lis aut lunæ indiget ministerio, solius Agni, eminen-
tius illustrata mysterio, (a) Lucerna quippe, ejus est
Agnus. Nec mirum, ab æterna indefectibilis lucis
Aula, luminaria illa ad inferiores exulare sphaeras;
Sol etenim, tristem quandoq; Ecclipsim pati novit, &
tenebris obducere terras; rursùm, Noctivago cursu
fratri contraria Phæbe, instabilis gyrat, mutuato
lumine splendens; at vero inextinguibilis unquam
Lucerna Agni, indeficientis plena fulgoris, non ma-
culam, non umbram, nec casum, aut occasum passura,
à montibus æternis illuminans universa, in effabili
splendore nitens, omni prorsus nube remota, perpe-
tuâ ac perfectissimâ, comprehensorum mentes, satiat
claritate. Patere Princeps Celsissime, non assentan-
tem, sed vera fatentem apostrophem. Sicuti Apoca-
lypticus Agnus ille Divinus, totius Empyreï Lucer-
na est, ita quoq; Gentilitius Agnus Tuus, Sarmatici
Imperij, magnum luminare est, præter namq; Illu-
strium Natalium, & Magnorum in Republica Cel-
sissimæ Domûs Tuæ Heroum splendorem, quotquot
Principales in Te probantur Virtutes, tot rutilantia
emicant sydera, quæ Lechicum ornant & illustrent
firmamentum. Ecquis rectefactorum Tuorum Prin-
ceps Celsissime, velut nitentium astrorum, radian-
tem non videat claritatem (nisi fors, cui mentis aci-
em obduxit livor edax, & lumen ademit) quot Cali-
ginosas Patriæ dissipasti nebulas, & funestas calami-
tatum noctes avertisti. Hæsisset diutius atris in nu-

(a) Apoc: 21.

bibus Lechiæ polus, suaq; fata luxisset. nisi Tuæ An-
tistes Reverendissime Sapientiæ, jubar illuxisset.
Quoties jam Oneraria Regni, inter decumanos, in-
tempesta nocte, errabunda fluctus, ad perniciosos ma-
lorum scopulos & syrtes, sortes publicas allisisset, ni lu-
cidissima Consiliorū Tuorum Pharos, naufragāti Po-
loniarū Fortunæ, per evitados vortices, & superatas
tumultuosi æquoris undas, tutam, ad melioris spei
portum semitam monstrasset & iter. Veluti Castor
& Pollux, amica navigantibus meteora, dum trāstris
antennisve mali insident, mitiorē Neptuni iram, &
jam affuturam Oceani designant malatiam, sic pla-
nè, quoties Sapiencia & Prudentia Tua, Princeps
Cellissime, cælestes faces, geminæ lucidissimæ gem-
mæ, faustiora Castore & Polluce astra, in summa
Reipublicæ tempestate, tanquam æstuante pelago, ad
transtra clavumq; præsent, toties prosperrimo suc-
cessu in componendis fluctibus, sedandis motibus, in
reddenda Patriæ tranquillitate, plenam afferunt se-
renitatem. Res in comperto est, dum enim ancipi-
tem, spesq; metusq; salutis publicæ jactassent aleam,
imò multorum animis, extremus, amittendæ Patriæ,
ac perituræ libertatis, inesset pavor, nec jam Del-
phici opem ferrent Apollinis aræ, conficiebatq; o-
mnia terror, Tua eloquia Princeps Cellissime ani-
marunt Rempublicam, Tu dubijs secura, dabas ora-
cula rebus. dum Borealis turbo, cum infesta infau-
stāq; turba, toto velut agmine factō, vires virusq; ef-
funderet, ut extremè, innocuas Patriæ percelleret

oras, innocens Agnus Tuus Princeps Celsissime, di-
ras Arcticorum Leonum iras, & ferales sevientis
furoris minas, minimè reformidās, pro Augusto Re-
gni solio, firmiter stetit, & consilio capitis, contra
vim hostium arietando, cruentas domuit feras, &
nocivas Archimedum Machinas, prorsus diruit,
evertit, superavit. Vere dignus Agnus, qui, pro vel-
lere aureo, super gemmeam torquem, non Hispani-
arum tantum, ast universorum gestetur pectore Re-
gum. Dum perscissa animorum armorumq; studia,
ac per tacitos cuniculos, in vitam Regni, strueban-
tur insidiæ, Tu stratas doloso cinere technas, sancti-
ori artificio & officio elusisti, ac inextricabiles, su-
pra Gordium, nodos, velut Macedonis ictu, dissolven-
do, Reipublicæ saluti, Majestatis & libertatis juri-
bus, perbellè providisti. Profectò inest tibi Princeps
Celsissime, Celeste ingenium, & rerum pruden-
tia velox. Iustitiam & æquitatem, Divina attri-
buta, adeo dilexisti, ut Areopagiticum Atheniensi-
um Tribunal longe superaveris, in illo etenim Cæca
plerumq; cum tenebris ferebatur sententia, in Tri-
bunali Tuo, clarior meridie ad scrutandam verita-
tem, palpatur evidentia. Accendat quisquis volet
etiam Cleanthis lucernam, præclarissimos tuos ex-
ploraturus actus, nulla alia in Te Princeps Celsis-
sime reperiet otia, quàm gravissima semper Reipu-
blicæ negotia, quibus salvandis, & cum Regni Ho-
nore manutenendis, annos, dies, & totam à tenera
ætate, vitam strenue impendisti, Herculeos solus

solitus superare labores. Si Presule & virtutes Tuæ
Princeps Celsissime, Cælicolis notæ, pensandæ fo-
rent, quo pietatis ardore, intaminate sanctimoniâ vi-
tæ, in egenos Clemētia & liberalitate, sollicita Roma-
no Catholicæ Ecclesiæ defensione, Orthodoxæ Religi-
onis propagatione, in augendo cultu Divino, stabili-
enda morū disciplina, Apostolico præluces zelo, re &
facto, Adalbertos Stanislaos, Lechica Presulum sy-
dera, Borromæos, Salesios, & reliquos Ecclesiastici
cæli soles, tam propè imitaris, ut in illis Te Prin-
ceps Celsissime, aut certè Illos in Te vivere quisq;
arbitretur. Hinc jure merito Antistes Clementissi-
me Ducalem & Pontificium possedisti Thronum,
non aliena ope, aut emendicato subsidio, at justitiæ
gradibus, ac necessario Magnorum meritorum Tu-
orum suffragio, implesti etenim, & meritis cælum,
& totum virtutibus Orbem. Attigisti sublime cul-
men Honoris, apprehendisti Ducales Mitras, & In-
fulatos Fasces, non ambitionis fastu, aut prece, sed
excelsarum Virtutum pretio, & rectefactorum tuo-
rum Dignitate; illegitimum reputans honorem,
quem virtus non pareret; quapropter laus Tua Prin-
ceps Celsissime, summa est, virtuti omnia, fortu-
næ nihil unquam debuisse; vera enim Principum
dignitas, non æstimatur à fortune indulgentia,
sed à virtutis decore, & consilij prudentia. Sola vir-
tus aurea clavis est, quæ ad conclave Templumq;
Honoris, de condigno novit ostia referare. Nec de-
cuit proinde, nec licuit unquam, præclarissimam lu-
cernam

cernam Gentilitij Agni Tui Princeps Celsissime,
 Europeo radiantem Orbi, sub modio abscondi, ast in
 supremo collocari gradu, fas semper erat, ut luceat
 universis, & per cuncta Regni clymata fulgeat per-
 petuo, Præsuleum Nomen, quod nec ventura si-
 lebunt, lustra, nec ignotâ rapiet sub nube vetu-
 stas. Clementinus Agnus es Princeps Celsissime,
 hinc ex Coronatorio Regum, & Cathedrali Mon-
 te Vavelio, aquas vitæ, beneficiorum torrentes, &
 Gratiarum fluentia, non vistulâ solum, sed Balthico
 uberiora mari, in universæ Poloniæ campos deri-
 vabis. Celsissima Domus Tua Princeps Celsissime
 officina est Munificentiae, quâ, pupillorum, Ascete-
 riorum, imo Regni totius subvenis indigentiae; opti-
 mè gnarus, tum, Principem felicissimum, & verè
 Felicianum esse, dum fortunæ suæ largitate alios fe-
 licitat. Affluent jam gaudijs Sarmatici populi, fe-
 stos faustosq; habituri dies, (b) quoniam Agnus, qui
 in medio Throni est, reget illos, & deducet eos
 ad fontes vitæ. Emeritæ virtutis Nominisq; Tui
 Princeps Celsissime, non hic solummodo stetit Di-
 gnitas, celsior Te manet magnorum meta laborum,
 Nec solum, Tibi Præsulæi tribuuntur Honores,
 Agnum Purpureo vellere Roma teget. Illustra-
 sti Sapientiæ Tuæ sole Lechicum solum, in Roma-
 no quoq; Purpuratorum Patrum, Orbisq; Capitolio,
 Lucernam Agni Tui resplendere necessum est, ut
 sic eminentius, cum Gloria Gentis, claritatis suæ ra-
 dios, oras diffundat in omnes. Ascende igitur felici

(b) Apocal: 7.

passu, quo *Tua Te Virtus vocat*, Princeps Celsissime, Scande super titulos & avitæ laudis honores. *Dij Te diu incolumem servant, & præconcepta populorum vota ac omina, amplissimis coronent effectibus.* Sub Constantino Magno Præsule & Duce, *Inclita Regni Metropolis, supra Bizantium, incolis populosior, opibus auctior, fide sacratior, fiet Constantinopolis; à fulgore SZANIAVIANÆ Tiaræ, illustrius Diæcesanæ splendent Aræ, universi montes & colles Cracij, exultabunt ut arietes; purpurato enim SZANIAVII dominante AGNO, heterodoxæ hydræ, trucesq; Leones, procul à fidelium abacti grege, atra petent antra, & repetent spelæa ferarum; Orthodoxa vero, triumphans de Hostibus Ecclesia, pro salute Præsulei Agni, Agnum mysticum, Hostiam pacificam, Regum rerumq; Domino, offeret in perpetuum.* Hæc dum lætabunda Polonia, affert præconia, dum excipit, & meritas reddit Tibi Curia voces, dum Senatus populusz, *Almæ Poloniarum Metropolis, ad fortunatissimum ingressum Tuum Princeps Celsissime, Prætorianas portas splendide ornatas, circumdatos Lauro Colossos & triumphales extruit arcus, Diæcesanus quoq; Mons Clarus Czeszochoviensis, submissum prosterbens verticem, Gentilitio Ducali Agno Tuo, præsentem Thronum ex se quidem incultum & humilem, ast aviti Honoris Tui Purpurâ, ac tuismet Princeps Celsissime, præclaris virtutibus, velut stellantibus gemmis, aureisq; distinctum monilibus,*

cum fidelissimo dicat & offert homagio. Ascendisti
jam cum plausu superum, cum iubilo Orbis & Ur-
bis Principem Cathedram Tuam Antistes Celsis-
sime, hodie iterum non leve gloriosissimæ Inaugu-
rationis Tuæ addis momentum, dum bis Purpura-
ti, magni olim Prædecessoris Tui Divinissimi Sta-
nislai, invisere festinas monumentum, Domus
hæc, exigua est Rupella, sed Glorioso Laureati
Præsulis perbella triumpho; Sanguinolentæ area est
victoriæ, quâ Audacis Principis fregit bella, ma-
gno olim fortior Constantino, Martyr Constantis-
simus. Subintra Princeps Celsissimæ, pretiosiori,
quam Tyrio murice, tinctas cruore, Sacri Pontifi-
cis ædes, velut triumphalem arcum, & immortalis
Gloriæ Trophæum, in quo Celsissima Cathedra
Tua, utpote Titulari, & Tutelari Indigete sacerri-
mo, supra Obeliscos, & Memphitica Ægyptiorum
sepulchra Regum, æternum gloriatur. En fideles
clientes Rupellani, Divo Præsuleæ Aræ, Capellani,
in conspectu Agni, amicti stolis albis, & palmæ
in manibus eorum, (c) læti obviam procedentes,
ac ad plantas, novi Antistitis sui, Magni Ducis &
Hospitis supplices procidentes, portas & ostia pan-
dunt, ut etiam ex hac, sacro purpurata Sanguine,
Cathedra, voce & vice Sanctissimi olim Pastoris
antecedanei Tui Princeps Celsissime, Ecclesiæ,
gregi fidelium congregato, statibus Regni, & popu-
lo benedicas universo. Clarum Montem Czeſto-
choviensem Thaumaturgum Sacrarium, Matris

(c) Apoc. 7, (c) Glori.

*Gloriosissimæ, quæ Agnum Dei immaculata genu-
it, Constantissimum in Obsequio Patriæ propugna-
culum, sicuti hætenus Tuis Princeps Celsissime
Gratijs, favore, & Beneficentijs, clarificasti, ita
nunc Diæcesanum jam oratorium Tuum, firmiori
Protectione. & locupletiori Benedictione, fove, sal-
va, & tuere. Marianum id Augustal, Hortus
conclusus est, amænissimis Gratiarum abundans
pratis, emitte Dominatorem Agnum Tuum, ac per-
mitte, ut inter Candidissimâ Parthenij Amoris pa-
scatur Lilia; Mons ille victoriæ, Crucis Sanctissi-
mæ gaudet titulo, Constantinianæ in eo Crucis, eri-
ge vexillum, Princeps Celsissime, ut in hoc saluti-
fero signo, inimicas Religionis & Regionis hosti-
um Phalanges, vincas, dissipes, & detriumphe, ad
immortale Inclytæ Domus & Heroicarû virtutum
Tuarum Mnemosynon. Vive Princeps Celsissi-
me, & seculorum supervive lustra, incolumis
semper multos Dominare per annos, Te enim
Principe salvo, publica vivet salus, Regni firmabi-
tur Thronus Gloriæ, crescet, & ampliabitur Patriæ
prosperitas, iustitia & pax in terris nostris perpe-
tuum fient incolatum. Ita cum pusillo grege, Pasto-
ri optimo exoptat, sic cum Throno præsentî, ad Al-
tissimi supplicans Thronum, continuis vovet & pre-
catur Officijs,*

CELSITVDINIS VESTRÆ.

*Submisissima &
mancipatissima.*

ereMV's Delparæ VirgInIs CzęstoChoVlensIs.



PANEGYRICUS.

*Sedenti in Throno, & Agno, benedictio, & honor,
& gloria, & potestas in sæcula sæculorum.*

Apocal. 5. vers. 13.



I A
E Solo Præfulum Sole
PRINCEPS CELSISSIME

ordimur Panegyrim,
quia solus:

Implesti famâ, meritis, virtutibus orbem.
Majorum Tuorum non accendimus Ceras,
sinimus in Mauzolæis,

Hectoris exuvias Priami, quiescere Manes,
cùm Tuus Domesticus AGNVS sit lucerna.

*Apocol:
21. v. 23*

Lucet D E O imitanda sæculis pietate,
Lucet Ecclesiæ Orthodoxæ zelo irrefragabili,
Lucet plusquàm meridiano splendore
affectu in Patriam insuperabili,
parum est,

ex fumosis Aboriginum bustis
metiri gloriam Successorum,
& pretiosis Antenatorum rectefactis
mercari encomia,

obryzo propriarum virtutum ditescere pulchrum.
Quid juvat,

Aurelium habere Genitorem?

A 2

Si

Si
ferreum five Ferrerium ob asperam indolem
sæcula nominarint.

ex
resolutis Antenatorum cineribus
alij vitæ & Honoris clepsydras conficiunt,
ut sui ad Majora ascensus mensurent instantia,
Tu sinè his

PRINCEPS CELSISSIME
punctum immortalis Gloriæ
in puncto tetigisti.

ex
atomis Majorum cupiunt nonnulli grandescere in tomos,
Tu tomos laudibus imples,
& ita rectefactorum serie oneras fastos,

ut
in enarrandis desudare debeant præla,
& nova secum concitare prælia,
quibus nam debearis.

Hæc in Te Encomiorum maxima,
quod sis epitome Majorum,
compendium Antenatorum gloriosum.
Plurimi cum Boleslao Chabri
effigies Parentum suorum portant,
Sed tantum in pectore,

TU PRINCEPS CELSISSIME

Sic æternaturis virtutibus
expressisti Prædecessorum Tuorum lineamenta,
ut Te viso,
clarissimâ non ænigmatica visione videantur & illi.

ex *Ungve nosse leonem satis est;*
dum ungvem Tuorum noscimus Aboriginum,

ex hoc

ex hoc ungve
Te PRINCEPS CELSISSIME

Generosissimum judicamus Leonem,
qui pro publica afflictæ Patriæ securitate,
oculis dormiendo apertis,
insomnes duxisti noctes,
ut cæteris liceret

lassis requiescere membris.

JUNOSZA CELSISSIMI PRINCIPIS

Ovidianas ad amussim imitatur oves,

de quibus sic energicè canit:

Sic vos non vobis vellera fertis oves.

ovis animal mansuetissimum est;

vellus pro pannis, intestina pro fidibus,

cutem propriam pro tympanis subministrat.

Mysterium auscultate Sarmatæ.

Nonne hucusq; nuda mansisset Polonia,

nisi

plusquam Phryxiō **AGNI SZANIAVIANI** *vellere*

paludata eidem Toga confecta fuisset:

& ubi tunc

multis fidibus ludebatur unica fides Majestati,

viscera obtulit in aureas chordas,

ut sic

discordes Civium Patriæ accordaret animos,

vires suas, opes, & fortunam

evisceravit penitus

ut in Principum vicinorum auribus,

benè defactò fama audiret Poloniæ.

cutem propriam

CELSISSIMUS SZANIAVIANUS AGNUS

in resonantia Marti Lechico dedit Tympana,

nihil sub cute reservans.

B

quod

quod in redemptionem Captivæ Lechiadum
libertatis non cessisset.

Physicorum assertum est,
dum lupinæ in Musicis instrumentis pulsantur fides,
agninæ rumpantur est necesse.

hic contrarium evenit,

dum Agninæ personant

CELSISSIMI PRINCIPIS SZANIAVII chordæ,
rumpuntur lupinæ ex adverso:

ita

ut nullus reperiatur Benjamin lupus rapax,

qui sit mane diripiens,

& vespere dividens prædam;

quia

dum Lechicus Titan

SZANIAVIVM ingrederetur Arietem,
vespere & mane factus est dies unus.

Multum fecit piissimæ memoriæ

ILLUSTRISSIMUS
STANISLAUS DAMBSKI,

utriusq; Cathedræ

AGNI SZANIAVIANI

Antecessor meritissimus,

qui in Gentilitia Pinu sua orbatæ Poloniæ
plusquam in Porphyrij Arbore

Supremum Genus felicissimè nunc Regnantem
SERENISSIMUM AUGUSTUM II.

demonstravit,

& divisum Regio diademate colligavit orbem.

plus egit SZANIAVIUS AGNUS,

qui divisam Rempublicam

& à le-

& à legitimè coronato avulsam Capite
ac proinde acephalam

Suo Naturali restituit Capiti, & univit.

Non frustra succedis in Cathedram
dismembrati in frusta Divinissimi Præsulis STANISLAI

PRINCEPS CELSISSIME,

Sicut enim Virtute altissimi

dissecta & disiecta membra illius

in unum coaluerunt corpus,

ita congenitâ SZANIAVII dexteritate,

mysticum Reipublicæ corpus

intestinis odijs dismembratum

concrevit in unum.

Fabulosum est,

quòd Prometheus furto sublatâ à celesti Titane faculâ
inanimatam Memnonis animaverit flatuam;

Sanctiorem Te Prometheum

PRINCEPS CELSISSIME

afflicta veneratur Polonia,

cui

diaphana Consiliorum luce

vitam inspirasti & omnia,

& unius labij, unius oris,

Paludatos Sarmatiæ ordines effecisti.

Ab ore Gallicani Herculis

aurei evolvebantur torques,

quibus animos ligabat Auditorum.

Lingva tua gladius acutus

PRINCEPS CELSISSIME

quâ unita in perniciem Patriæ dissecuisti corda,

verba oris Tui auratæ fuere catenæ,

quibus disunita in unum colligasti,
factus animorum unio, & armorum.
Miraculum Orbis Lechiadum nuncupari deberes,
qui præter omnium expectationem id fecisti,
quod minime sperabatur.

In
Sacro Baptismatis Fonte
CONSTANTINI & FELICIANI
Sortitus Nomen

Magnum de Te securæ posteritati fecisti prælagium;
quasi jam ex infantilibus Fascijs
Purpurej in Te evolverentur Fasces,
& statim a teneris

Magni illius vestigia premeres **CONSTANTINI**,
sub cujus Pontificali Regimine,
Falsorum everterentur delubra Deorum,
collapsa Ecclesiarum Propilæa
& fatalibus exurgerent bustis,
& totus in pace compositus Orbis

CONSTANTINIANÆ CRUCI
captum inclinaret & Caput.

Primum Felicianum liceat Nominare
TE PRINCEPS CELSISSIME

qui
Primus publicæ felicitatis Fecialis extitisti.
Ad pedes prostrati **DIVO FELICIANO**

non nocuere leones,
Tu Gothicas sic circurasti Feras,

nè
efferato amplius desævirent dente.

Sic nigram ab Aquilone compescuisti Aquilam,
nè candido Poloniarum Alici

pullum

pullum colorem adspiceret.

Nullus

CELSISSIMO SZANIAVIANO AGNO

improperare potuit,

Agne nè turbes Aquam,

Nusquam enim in turbido piscari voluit,

qui in cordis Sacrario

Publicæ tranquillitatis altissimas volvit cogitationes.

Agnus è Benedicta INNOCENTII XI.

confectus cerâ

si flammæ evomenti iniiciatur Vesuvio,

incendia moderatur & sistit.

Arfit (Proh dolor)

intestinis discordiarum Polona Respublica flammis!

actum fuisset;

nisi Benedictus SZANIAVIANUS AGNUS

è Natalibus prognatus Ceris

ultrò se succrescentibus in immensum igniculis

objecisset.

Tibi debet

PRINCEPS CELSISSIME

quod vivat Polonia;

quam piissimus, in Matrem Anchises

proprijs humeris

ex publico incendio extulisti.

Iasonis Christiani Nomen obtines,

qui per sanguineum sudorum Tuorum Hellepontum

piusquam Colchicum Polonæ Libertatis vellus

in securum felicitatis Portum exportasti.

Radomienſe Tribunal suum Te veneratur Aristidem,

in quo

C

ſic Sa-

sic Sacrae Themidis moderabaris libram

ut

liberam servares conscientiam,
Arietem tunc egit mitissimus AGNVS,
exorbitantium militum vitijs
caperatam monstrando frontem,
ne viperarum more
suae rodant viscera Matris.

Hybernaliam in lance altissimi iudicii
posuisti salaria,

ne

ullus sine stipendijs
pro legibus & integritate Patriae militaret Hector.
placuit

CELSISSIMO PRINCIPI

grata Polona militia, sed non gratuita,
unumquemque salariare voluit,

ut Aurum habentes in sacculis,
manu audacius ferrum vibrarent in hostem.
Macedonianum secutus consilium,

Auro pugna, & vinctes.

*Iudicium
7. v. 14.*

Panis militum gladius Gedeonis est,
dum esuriem tollit,
sitire facit sanguinem adverforum.

Exposit

PRINCEPS, CELSISSIMUS

ad Zuppas Vielicenses

ore Regio designatur Commissarius,
ubi

insulsa sic bene salivit Officia,

ne

in Regij fraudem Theauri amplius corrumpereantur.

petra

petra salis brutis animalibus anteponitur,

ut

ex illo lambentia meliorentur,

fecit hoc,

PRINCEPS CELSISSIMUS,

ut

in meliorem statum

inexhaustum Regni Thesaurum reduxisset.

Sal insigne Doctorum est,

Regio vivæ vocis oraculo

ad falsifodinas Vielicenses

exmittitur Magni Consilij ANGELVS SZANIAVIVS,

ac si

futurorum præsaga Sacra Regia præscivisset Majestas,

quod sit

CELSISSIMUS PRINCEPS

Cracium olim populum,

imò totum Lechiadum Orbem

verbo Pastoralis docturus

&

Salutari probatissimæ vitæ firmaturus exemplo.

Prima CELSISSIMO PRINCIPI

in

Collegio Varsaviensi Scholarum Piarum

studiorum humaniorum obtigere stativa.

causam inquiritis!

propè Thronum Regium educatur Alumnus,

quia

futurus erat intimus

Regiæ Majestatis Consiliarius,

à

cujus ore non humilis Cyrrha

Canap. 1001 a. 1010

sed

sed
aureus fluxisse Tagus videbatur.
IOSEPHI CALLASANTII
Palladijs Nomen dedit Castris,
ut veteris Testamenti expressisset Iosephum,
voce populi
Salvator Orbis Poloni nuncupandus.

sed
non diu tam vastam ingenij molem
Syren Varfavienses poterant detinere camenæ,
Stemna abblandiebantur quidem illius Civitatis Syrenes,
Varfay. quatenus

CELSISSIMI, PRINCIPIS
procrastinarent regressum,

ast
Peritissimum invenere Vlysses,
qui lenocinia verborum obtusâ pertransiit aure,
altius bonæ spei aspirans Promontorium.

Itaq;
ad Jagellonicum Serenissimi Vladislai IV.
Poloniarum Regis Inviictissimi
in Cracia Academo
Se transfert manipulum,

ut sic
sub Regalibus Sceptris
maturum Sacræ Regiæ Majestatis
SERENISSIMI AUGUSTI II
primæ admissionis subiectum adolesceret.

E
Sacro D. Jagellonis Manipulo
altiorum scientiarum depromit granum

quia

quia spectare debuit
ad Serenissimorum Regum Granarium,
& Cracium Episcoporum Seminariū Cathedrale.

Ligatum manipulum
D. Jagellonis veneratus est
PRINCEPS CELSISSIMUS,

quia
Dissolutam & suo Capiti non unitam,
Nusquam amavit Rempublicam.

Hic
Majoribus scientiarum auctus incrementis,
ad Castrum Vilnense invitatur
PRINCEPS CELSISSIMUS,

claudite Portam Gentilitiam
Urbis Metropolitanæ Nobilissimi Senatores!

armatum in Porta habetis militem,
custodite,
nè pretiosum Orbis Cracij clenodium
amittatis SZANIAVIUM.

verum
(pace vestrà dixerim)
in Castro Vilnensi tantum Ingenium
custodiri debuit

nè non Urbi Craciæ tantum
sed

Toti Lechiadum eriperetur Orbi.

Ibidem
Notarij Publici fungitur Officio,
sinè nota.

Aliorum calami non atramentum bibunt,
sed sanguinem,

D

sangvi-

sangvisugæ potiùs nuncupandi.
PRINCEPS CELSISSIMUS

Scriptoriam sic delicatè arripuit pennam,
ut ea non pungeret,

sed

in publicam Magni Ducatûs Lithuanix
evolaret utilitatem.

Brevi ejusdem Ducatûs Cancellariæ Regens,

Fastos illius,

intra cancellos modestiæ

rexit, finè fastu.

Sic gradatim ad Majora processit,

PRINCEPS CELSISSIMUS

Turpe existimans

fungorum more unâ nocte vitalitate fungi,

Et defungi,

Priùs in Novilunio Cynthia,

antequam

Supremam Plenilunij conscenderit Augem.

Deus T. O. M. ab initio

congregationes aquarum appellavit Maria,

quasi

à minoribus alveis incipisset mare,

ut vocaretur immensum.

Nec Nilus totam irrigasset Egyptum

nisi

quasi nihilum fuisset ab exordio.

Sic PRINCEPS CELSISSIMUS

altissimis Honorum subfellijs

sublimandus

in oriente minoris Fortunæ

coruscare voluit.

Genesi:
1. 7. 10.

ut
meridianam immortalis gloriæ Appiam
consequeretur.

Dum
Referendarij M. D. L. fungeretur officio,
ab ore illius

tota Nominati Ducatûs
pendit felicitas.

Nusquam fulminavit à Throno,
quia IUNOSZA est,
Vellus aureum portans,
non fulgura.

Fabulosum detestatus Iovem,
qui

semper armans ignito fulmine dextram,
raro

contextos lanâ fertur habere pedes.
in ore Ambrosij examen apum
dicitur consedisse,

in ore Referendarij Nostri
dulcissima mellificavit Hybla;
ita

ut in omni vivæ vocis oraculo
Claravallensem fuerit imitatus apiculam.

Sed

quid moraris

PRINCEPS CELSISSIMUS
Cathedrales jam Te exposcunt Ecclesiæ,
nec se Beatas existimant.

quin faciali AGNI SZANIAVIANI

fruantur visione.

D 2

Var.

Varmiensis & Vilmensis Canonicatus

orbatos se sentiunt,
quorum nisi pupillares
egeris partes,
actum est.

Apprehendit vtrumq;
PRINCEPS CELSISSIMUS,

si enim
uni se tantum obtulisset Cathedrae,
injuriasset alteram.

Principum enim connaturale est,

*ut qui
ad commune orbis efformantur solatium,
toti serviant Universo.*

Angelorum vice funguntur in terris

qui
duplicem simul & semel occupant locum,
ne unam partem orbis gyRANDO
motricium Intelligentiarum
Nomen amittant.

Ex duplici Cathedra

detonat in vitia Christianus Pericles

CELSISSIMUS PRINCEPS,

ergo!

Okolski
in Stem-
mate Lu-
nosza
fol: 356.

*Hæresiarcha procul, si non Ecclesia, cornu
Te premet intrepidus PRÆSVLIS AGNVS, abi.*
Non verba sed fulmina vibravit in sectarios,
unicum in Præcordijs habens,

ut

ad orthodoxum Christi ovile
Gentilitium suum sequerentur Agnum.
In sacris exedris

Sæculi

Sæculi nostri Chryfologus,
nervosis argumentorum telis
obstinata Acatholicorum corda
ita convicit,
ut suâ sponte
vinctas toties dederint in vincula dextras,
intellectum suum alioquin pertinacem,
in obsequium Fidei captivantes.

Æstimavit

Pretiosiores gemmis animi *Tui* dotes
PRINCEPS CELSISSIME
SERENISSIMUS AUGUSTUS II.
Rex Poloniarum Inviectissimus, &c.

& dum propius
ex altissima Regalis Maiestatis specula
aspectu placidissimo inspexit SZANIAVIVM,
vidit omnibus Insulis parem
decrevit singulis altiore.

Itaq;

Supremus in terris Iustitiæ Distributiæ
Administer,

non est passus
lucernam latere sub modio,
posuit **AGNUM SZANIAVIANUM**
in

elevato Episcopatus Cujaviensis
& Pomeraniæ candelabro,

ut sic

CELSISSIMUS PRINCEPS

radiante Nativæ scientiæ Phæbo
noctivagos ad sua spelæa

E

compel-

compelleret Lycaones
Bifidâ Pontificiâ Infulâ
coronavit Caput aureum,

quasi
cornuto dilemate
Præsuleum armando cerebrum,
quo astus eluderet Dissidentium.
Pastorali Pedit insignivit dexteram,
ut

AGNI SZANIAVIANI

firmaret pedem,
quo altiora subsellia Regni
securus adiret.

Secunda Infula

licet

prima SZANIAVIANUM

attigit verticem,
ut reliquis accessum à PRINCIPE impetraret.

Et certè

dum primâ Pontificius vertex
coronatur vittâ,

Bella secum altiores movent INFVLÆ,
quælibet Pontificium CAPVT coronare peroptat,
nulla audet:

in tantum enim sua merita extulit,

ut

omnium excederet mensuram Infularum.

Ambiunt Te Tiaræ

PRINCEPS CELSISIME,

quibus

nondum Augustam frontem submisisti;

Scipi-

Scipiones ultro se ingerunt,
quibus Affricano major Scipione
labentem fulcias Patriam.

Acrius
cruento certamine dimicant Curules Senatorij,
sanguinem fundunt;

pro AGNO SZANIAVIANO
ut eidem

Purpuram adaptent altiore.
ita est,

ut si Te dividere vellent Diæceses,
nec singula membra tot forent,
à quibus invitaris.

verum
Sacrum hoc INFULARUM jurgium
in Honore Deastro exortum,
Albano Pontificia

CLEMENTIS XI.

Pontificis Maximi

diremit STELLA,

omnibus violentè ereptum Mytris

ad
Thronum Peraugusti Capituli Cracoviensis,
terno diademate coronatum

ducit SZANIAVIUM.

Ponit Celsissimum Agnum,

in summitate Vavelli,

de sub cuius Præsuleo Pede & Pede
fons vivus aquæ salientis in omnes
emanaret.

Macte animo Cracovia!

dum
CELSISSIMI PRINCIPIS AGNUM
Albano Pontificium ingreditur fidus,
Vrbium Polonarum Principi Graciæ.
post turbulentas bellorum tempestates
tranquillam pollicetur malatiam.

Felix constellatio

quâ
communis amor columenq; Poloni
Orbis, adest cum sole novo cum grandibus astris
ANTISTES, *qualem Graciæ longæva vetustas*
Invident, similemq; sequens dare nesciat etas.

Orientales Magi Duce Stellâ
ad Bethleemiticum Agni Immaculati
INCARNATI VERBI perducti Thronum,
facti sunt aurei velleris Principes,
quia Divinæ gratiæ portitores;

Duce Albano Pontificio sidere
Celsissimus SZANIAVIUS AGNUS

in
Throno Coronarum subsistens,
Aureum Pontificiæ Gratiæ vellus
singulis appromittit.

Thronus adest,

putasne quod desint

Cantic:

3. v. 7.

qui coronatum Salomonis Lechici lectulum
circumstent Dinastæ?

erras.

vallant terni ALBANO PONTIFICII MONTES
Agni SZANIAVIANI Faldistorium
quibus rebelles Deo, & Ecclesiæ

subij-

subijciat mentes,

&

Enceladum more cælum oppugnantes Iovinianos
compescat & expugnet.

Cantic:
3. v. 7.

*Sexaginta fortes ex fortissimis Israel
ambiebant Thronum Sapientis.*

Præfuleo Agni SZANIAVIANI Throno

Sufficit pro millibus unus

SERENISSIMUS AUGUSTUS II,

qui duplicem stringit acinacem,

ut Thronum

CELSISSIMI PRINCIPIS

tueatur & protegat ab adversis.

Audaces (esto D. STANISLAI Successor)

nè timeas Geriones

PRINCEPS CELSISSIME,

barbarico Sangvine ebrij

felicissimè Regnantis mucrones,

Fatorum arcebunt injurias,

nè mori Patriæ possis,

cui non ita pridem vitales spiritus insufflasi.

Adsumt præstò

& Illustrissimi, Perillustres, ac Reverendissimi

Domini,

Coronati Vavelli

Primicerij, Canonici, & Prælati,

Apocal:
4. v. 10

qui mittunt Coronas suas ante Thronum,

animis gestientes,

quòd

post Lubicenianum Bisontis Caput

Caput Agni SZANIAVIANI invenerint,

F

Auga-

Augustum Coronarum suarum Capitolium,
 in quo repositæ,
Pulchrius in Lechico sua pandent lumina celo.
 Tacere piaculum est,
 duo primæ Magnitudinis Sidera
Illustrissimum & Reverendissimum Dominum,
Regni Secretarium,
 Vilnensem, Lanciciensem Canonicum,
 Trocensem Præpositum,
Illustrissimum & Reverendissimum Dominum,
 Leopoliensis Cathedralæ Suffraganeum
Fratres Tuos PRINCEPS CELSISSIME
 qui grandibus in Patriam cumulati meritis,
 Throni Tui Ducalis adornant Majestatem.
 Gemmæ sunt
 in pretioso Sangvinis **S Z A N I A V I A N I**
 prognatæ Tago,
 idcirco Coronæ Regiæ intimius admoventur.
Unde brevi Domus hæc Tota Senatus erit.
 Assistit immortalis Gloriæ Tuæ Stallo
 Antistes Clementissime,
Illustrissimus S Z A N I A V I U S Castellanus
 Lublinensis,
 qui Tauricanæ obex invidiæ
 Castellum in pectore erigit Patriæ
 inexpugnabile,
 ut Christianitatis antemurale dici mereatur.
 Rubet Senatorio murice, sed non erubescit,
 ita
 premens Togatæ dignitatis Curulem,
 ut sit

inde-

indefessus Reipublicæ Stator
pro integritate illius stando, & certando.
Lubet adhuc
ad Triumphalem Tuæ inaugurationis pompam
PRINCEPS CELSISSIME

Capite Urbis & orbis revocare
Illustrissimos ex Fratre Nepotes **SZANIAVIOS,**
Duo sunt, IOSAPHAT & FABIANUS,

atq; adeo
cælestes Gemini nuncupandi;
qui Patrio restituti solo
si soli Lechico cesserint in horoscopum,
Aurea spondebunt afflicto secula mundo.

In
Supremo Urbis meridie maturescunt,
ad Primas Regni Curules destinati,
à quibus in Patria
Nullus erit, qui non exuperetur apex.
Sacra Divorum Petri & Pauli Apostolorum
exosculantur Limina,

ut à Primo
impetrent Benedictas Claves
ad Peraugustum Honoris Sacrarium,
à secundo,
gladium exportent in Patriam,
quo

faciliùs & feliciùs Gordios difficultatum nodos
dissecando,

Novi Lechiadum Orbis Macedones,
Vas electionis,
seu veriùs Electorum, & eligendorum

ad omnia Regni fastigia
possint nominari.

Remi & Romuli visitant cunabula,
à quibus olim

Romani primo maduerunt sanguine muri ;
à Tuis

PRINCEPS CELSISSIME
Illustrissimis in Limine Regni salutandis
Nepotibus

Tyrio plusquam colore rubescant Stalla Senatorum,
&

Hæreditarium Togæ acquirent Purpurismum.
Nonnulli exteras invifendo plagas,
cauteriatis indoles

ad Domesticos reportant Penates,
Illustrissimi SZANIAVII

sic orbes lustrant alienos, ut illustrent.
Sic clima peregrinum incolunt, ut sint sine lima.

Castis innocentiae lilijs enutritus
SZANIAVIUS AGNUS

pellem alienis non mutavit in oris,
intus & extra nativum candorem præferendo
illorum pravam Genesim detestatus,
in quibus,

Pelle sub agnina latitat mens sæpè lupina.

Stupuit Universi Metropolis Roma
Delicatam SZANIAVIORUM Iuventam
nullis difflui voluptatum crepundijs
qui velut Preciosissimi arrhabones
Apostolicam Genti suæ desponsarunt benedictionem.

Et jam fausto omine
Delicium populi, delictumq; poli
PRINCEPS CELSISSIME

conscende Coronatum Vavelli *Thronum*,
nec pupillos desere,
qui longo Tuæ præsentiaë emacerati desiderio
pupillas solvunt in lachrymas,
non nisi

desideratissimo Tui in Cathedram Cracoviensem Ingressu
plenâ solatij publici Spongiâ abstergendas.

Non sic Virginibus flores, non fruib; imbres,
Prospera non lassis optantur flumina Nautis,
ut Tuus aspectus populo.

Claudi-
anus.

qui tunc primò se existimabit beatum,
cùm faciali Sui Dignissimi Præsulis fruetur visione:
& illa illucescet Craciæ Metropoli dies,
quæ nusquam novit occatum.

Accedunt ad *Thronum Peraugusti Nominis Tui*
pauperes & egeni,
quorum cùm sublevaveris egestatem,
elevabitur Superùm manibus *Thronus Tuus Episcopalis*
usq; ad septicollis Urbis & Orbis fastigia.

Postremò
procumbit ante *Thronum* Gratiaë Tuæ
Sanctuarium Nostrum Marianum
Hæreditarium Illustrissimæ Domus Tuæ
Oratorium,
ut melius

à folio Tuo ex sui etymo Clarum inclarescat.

In Pathmos Insula

Mare vidit vitreum Apocalypticus videns;
hocce Marianum Admirabilis Matris Propognaculum
G
Tuo

Tuo se sistit obtutui,
PRINCEPS CELSISSIME
vitreum est!

sed sui favore *Artistitis* fiet adamantinum,
nullis adversitatum balistis submovendum.

Lambunt vestigia pedum Tuorum
bini Leones in Thebæa enutriti Eremo
quos si per bis sex multiplicare voveris,
Lechici Salomonis Thronum efficient ambiendo.
cui Paulina flexo poplite se inclinat Palma,
purpureo Tuo premi exoptans calcaneo,
ut altius depressa resurgat.




u
e.
M
o-
m
o
es
er
ne
a-
ut

o
e-
y-
ti-
e-

o
e-
y-
ti-
e-

o
e-
y-
ti-
e-



22000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

